

兼

葭

樓

詩

廣
文
書
局
印
行

蕙
葭
樓
鼓

癸卯七月太素

時年六十四有



中華民國六十一年元月初版

蕪樓詩

精裝全一冊定價：新臺幣一百元

撰者 黃節

校輯者 梁秩風

發行人 王道榮

發行所 廣文書局有限公司

版權所有
不准翻印

臺北市羅斯福路二段九號之三
郵政劃撥二一九九帳號
電話三三九六六〇號

經售者 全國各大書局

內政部出版業登記證內版臺業字第一三二四號

蒹葭樓詩序

余交晦聞十年矣君工詩每有所作必就余觀之余嘗擬其體思與之角而卒不能勝然君顧獨許余知詩戊辰春寫成一厚冊命為蒹葭樓詩過滬抵余曰生平之志與業略具於是子其為我序之余曰君詩之必傳固不待序雖然吾與君戴而游者今何世邪天網淪人紀絕神州數千年立國精神不毀之異族竟摧拉燔坑於服古誦數之徒僂僂洄洄十七年昊天憚怒於上黔首慄慄於下纖兒仄豎以屋可誅求一民勞板蕩之音如古之人遭苛虐相呻吟者而不

可得生斯時也而有詩莊生所謂逃空虛者聞楚音
 而喜也又安可以無言金之亡也驅縉紳如羣羊木
 佛編鐘括宮排市而元遺山之詩作明之亡也白骨
 如麻赤地千里至奴僕呼家主以兄弟擅索文書結
 寨焚殺拂宏光時州邑奴僕結十二寨索家主文書稍
 皆作僕事我輩一人主為僮僕而黥縣尤甚延及休寧良
 家子聞之大懼知縣歐陽鉉邀邑紳飲痛哭起義金
 聲黃賡等亦舉兵而奴僕於是敢動見計六奇明
 略季南而屈翁山顧亭林諸君子之詩作嗚呼今乃得
 君而三矣君粵產粵故多詩人梁文忠以下曾剛甫
 潘弱海羅棐東諸子皆與余交其平為詩余又皆取

而偏嗜之如啖荔支如剖新橙最後讀君詩味兼酸
辣乃如檸檬樹果信乎君詩之工邪君既以詩鳴海
內居京師十年窮且餓當項城稱帝名士趨之若坑
谷焉而君獨脩然南歸又有挽之出者亦堅卧不一
應曩嘗評君內蘊耿介外造雋澹今去之數年覆誦
君詩猶前日也此集古今體詩三百餘篇異日君所
造就或不只此然即此三百餘篇固亦足以傳君而
余獨悲亮節慷慨如君乃僅僅以詩傳邪則又不能
不使人罪夫世已許邨樵人張爾田序

[illegible]

黃晦聞先生墓誌銘

餘杭章炳麟撰

龍游余紹宋書

錢塘張爾田篆蓋

晦聞諱節廣東順德人弱冠事同縣簡先生朝亮簡
先生者與康有為同師而學不務恢怪尤清峻寡交
遊事之數歲通貫大體冠其儕歸獨居佛寺讀書又
三十年學既就直清廷失政羣乸用事遂走上海與
同學鄧實等集國學保存會蒐明清間禁書數十種
作國粹學報以辨華夷之義時炳麟友出繫東避地

()

日本作民報以相應士大夫傾心光復自此始簡先生聞二生抗言以為狂頗風止焉而二生持論如故清兩江總督端芳知不可奈何欲以賂傾之不能得香山孫公主中國同盟會聞悔聞賢以書招之亦不就及民國興諸危言士大抵致通顯悔聞獨寂寂無所附其介特蓋天性也始自廣東高等學堂監督應京師大學文學史教授凡在北平十七年其間嘗出任廣東教育廳長通志館長歲餘即解去其為學無所不窺而歸之脩己自植然尤好詩時託意歌詠亦往往以授弟子以為小家琦說際亂而起與之辯則

致訕訟終不可止詩者在情性之際學者浸潤其辭
足以自得陳王阮籍謝靈運謝朓鮑照詩皆為注釋
最後好崑山顧氏詩蓋以自擬云晦聞始回京師大
學校長蔡元培招充教授然論議與元培不相中其
後覩學制日額與人言輒憤叱久之民國二十年簡
先生歿晦聞哭盡哀自是始病二十四年一月卒於
北平春秋六十二先生卒時人為刻其蒹葭樓詩二
卷然諸涉風刺者亦略刪之矣子男二大星大辰女
子子三以其年四月葬於白雲山之所以狀屬為之
銘余之辭不足以增飾晦聞雖然使晦聞而用民國

之政必不媮薄以逮今日無疑也乃為銘曰

其言足興不列勳籍其默足容又何諮諮

蓋剛稜其中而守以淡泊彼褐之父兮孰

知吾之精自古所謂天民者其斯人之徒

歟

()
格澹而奇趣新而妙造意鑄語冥聞羣界自成孤詣
莊生稱藐姑射之神人肌膚若凝雪綽約若處子又
杜陵稱一洗萬古凡馬空詩境似之甲戌初春八十
二叟三立讀

卷中七律疑尤勝效古而莫尋轍跡必欲比類
於後山為近然有過之無不及也立埏記

()
使我破除殘夜睡
讀君別後五年詩
縱橫著語成唐律
窈窕為音近楚詞
老去江湖當日惜
求之流輩已難知
樓扉閉雨迴
鐙生如夢釣天合樂時

癸丑夏五月二十八日諸宗元

蕙陵樓詩卷一

梁袂風校輯

順德

黃節



乙未

護集桃李花下興言邊患夜分不寐

春色滿中原東風忽吹至緊彼桃李花笑知酒闌意

古人秉燭游吾今獨何志草堂來故人為我道時事

坐花且開筵芳菲拂劒鼻草木猶春榮世運何大異

東望春可憐千里碧血漬山高風霍哀將軍死無地

泱泱東海雄一旦委地利豈無鵑兒軍不可收指臂

兵事三十年嗟嗟閫外帥丈夫村髯驚衝冠裂目眦

我少學兵灋亦明古武備何必恠舟師何必畏利器
苟得死士心無敵有大義天下豈無人蒼蒼果誰寄
邊風吹蟲沙靈霧走魑魅壯士懷闕東舉酒問天醉
花落竟無言奈何夜不寐節是歲著籍簡岸草堂初
篇皆乙未丙申在草堂時作丁酉春草堂獨居僧寺
讀書無暇為誦遂曠十年無誦今錄存少作
識篇曾呈簡岸先生並經先生評定者不敢遺置也節

謁九江朱先生祠

橫流滄海變屹立禮山祠接地吾私淑登堂識本師
九江儒學派三晉使君碑不必遺書在聞風百世思

草堂留別簡岸先生

乾坤感高義小子愧非材
道在斯人與時危講席開
青山臥龍宅紫水釣魚臺
別路多風雪天心數點梅

丙午

九日登龍華塔同諸貞壯鄧秋枚

九日龍華車似水客中聊復作清游
一江入海渾成瘴百里無山祇見秋
強欲登臨過此日未須流涕對
高丘茱萸各有鄉關感難遣天涯共倚樓

滬江重遇羅敷庵歌席中賦贈

五年汝去更何之又聽琵琶水一涯
雨雪漸多殘醉後江湖同在未還時
空留異代增蕭瑟賸有餘生付

別離故伎幾人今亦盡不須臨老放楊枝

題鄭所南詩集後

交游著作都應絕惟有傷心鄭憶翁
早悟此身原是累孰知吾道不能同
孤懷痛在滄桑外世事真隨江海東
蘊落一編亦何補感人終古是聞風

與潘若海步月歸作

忒忒寧為焚雀知海天無語獨歸遲
漸看襟袖生微月已見蓬萊異昔時
回首朔風殊汗我嘔心來日復如斯
似聞緩緩琵琶響休問江邊彈者誰

歲暮示秋枚